



UNIVERSITÄTS-  
BIBLIOTHEK  
PADERBORN

**PSALTE=||RIVM DAVIDIS || CARMINE REDDITVM || PER  
EOBANVM || HESSVM.||**

**Hesus, Helius Eobanus**

**Lipsiae, 1557**

**VD16 B 3198**

Psalmvs CXV. Non nobis Domine non nobis.

---

[urn:nbn:de:hbz:466:1-69301](#)

Infinita Dei memorat miracula uates,  
Quis populum Aegypto duxit ab ipse suum.  
Hec quoq; festa cani sub Pascatos annua possunt,  
Quæ grates referant carmina læta Deo.

**C**um uetus à magno genus Israèle profectum,  
Aegypti uetitis egredetur agris:  
Protinus in forti se sanctificauit Iuda,  
In genere Israël regia sceptr'a ferens.  
Vidit & attoniti retro maris unda refugit,  
Peneades resluo Iordanis amne stetit.  
Summa remittentes salierunt culmina montes,  
Sicut ubi teneræ deliciantur oves.  
Quid tibi cur fugeres mare contigit, unde laboras?  
Cur solitum retro Iordani flectis iter?  
Utq; mares ouium cur subfiluistis in auras,  
Culmina, quæ colles uos noua caussa mouet?  
Horruit & subito terra est concussa tumultu,  
Nec solitis tremuit motibus ante Deum.  
A facie commota Dei sunt omnia terræ  
Viscera, Sarigenæ quem coluere patres.  
Quid duram faciles petram conuertit in undas,  
Siccaq; manantes marmora fecit aquas.

## Narratio.

Trāitus maris  
rubri & Iorda-  
ni.

Tempestas in  
monte Syna.  
Poetica figura  
qua amplificat  
miraculum.

## PSALMVS CXV.

Non nobis Domine non nobis.

## ARGUMENTVM.

Est gratiarum actio, & encomion Dei  
Israel, quod populus Israel habeat Deum  
R 2      bene

benefacientem. Addit autem antithesin, qd Gentium Diij non tales sint, ut qui nec audi-  
ant, nec respiciant suos cultores. Hæc postea  
accommodat ad ipsos cultores Idolorum,  
quod cæci & surdi sint &c. Habent autem om-  
nes illi Idola, qui non credunt quod Deus  
eos curet, respiciat, exaudiat, &c.

*Quæ Gentes simulacra colunt sunt uana, nec ullum  
Cui possint uerè fidere, numen habent.  
Vnus ab Israël Deus est, & solus, & idem,  
Cui uerè possit fidere, numen habet.*

**O**ccupatio est,  
non prædicabimus nos ipsos  
sed nomen Dei  
nostræ. Simul  
autem propo-  
nit Psalmi sum-  
mam. Noster  
Deus est Deus  
cœli.

**N**arratio.  
**D**IVTIBEOTI. Idola neq; au-  
ditunt, nec re-  
spiciunt culto-  
res suos, ergo  
tales sunt pla-  
ne sine Deo.

**S**Vmme opifex rerum nobis ne confer honorem,  
Quem decuit merito nominis esse tui.  
Omnis namq; tibi debetur gloria soli,  
Pro bonitate tua, pro pietate tua.  
Cur fatuas nobis patiaris dicere Gentes :  
Nunc Deus istorum, quem uenerantur, ubi est?  
At Deus astriferi noster tenet aurea cœli  
Mœnia, & arbitrio cuncta agit ipse suo.  
Verum illi simulacra colunt argentea, uel qua-  
Ex auro humanæ composuere manus.  
Ora quibus nunquam uero sermone loquentur,  
Quo nequeant aliquid cernere lumen habent.  
Nulla soni ueniunt uanas elementa per aures,  
Nare sub ipsorum non erit ullus odor.  
Organa deficiunt stupidas gustantia linguis,  
Cassalocuturæ guttura uocis habent.



Quid quod in utilibus nil possunt tangere palmis?  
 Quodq; pedes nunquam qui moueantur habent.  
 illorum similes sunt ea monstra parantes,  
 Et quicunq; in eis spem posuere suam.  
 At Domus Israël Domino confidat, ab ipso  
 Illius auxilium præsidiumq; uenit.  
 Semen Aaronium Domino confidite, ab ipso  
 Auxilium uobis præsidiumq; uenit.  
 Sperate in Domino quicunq; timetis, ab illo  
 Auxilium nobis præsidiumq; uenit.  
 Et memor est nostri Deus & facit esse beatos,  
 Quos Domus Israël, quos & Aaron habet.  
 Qui Dominum metuunt, non illis ulla decrit  
 Copia, felices quæ statuisse potest.  
 Felices timor ille facit discrimine nullo,  
 Siue quis hic magnus, siue pusillus erit.  
 Addet ad hæc uobis, cumulataq; lucra reponet,  
 His quoq; quæ nostræ semina stirpis erunt.  
 Vos data felices Domini clementia fecit,  
 Qui mare qui terras fecit, & astra poli.  
 Moxia lucentis Deus incolit ardua mundi,  
 Humano generi terrea regna dedit.  
 Nemo tuas laudes post ultima fata loquetur,  
 Nec nigra perpetua quæ loca nocte silent.  
 Sed nos summe pater, modò tu patiare, tacebunt  
 Tempore ab hoc laudes sæcula nulla tuas.

Conclusio, No  
 ster Deus non  
 talis est, ergo  
 merito eū lau-  
 damus & in eo  
 cōfidimus. At  
 que hic iterum  
 ingreditur cō-  
 memoratiōem  
 beneficiorum  
 Dei, et orat, ut  
 Deus benedi-  
 ctionem suam  
 super populū  
 suū confirmet.